



კორნელი კეკელიძის სახელობის საქართველოს  
სელნანერტა ეროვნული ცენტრი

KORNELI KEKELIDZE GEORGIAN NATIONAL  
CENTRE OF MANUSCRIPTS

თბილისი • TBILISI

2021

# **THE CAUCASUS**

## **BETWEEN EAST AND WEST, II**

Historical and Philological Studies in Honour of **Zaza Aleksidze**

# კავკასია

ადმონავლეთსა და დასავლეთს შორის, II

ისტორიულ-ფილოლოგიური ძიებანი

მიძღვნა ზაზა ალექსიძის დაბადების 85 წლისთავისადმი

რედაქტორი **დალი ჩიტუნაშვილი**

საგამომცემლო ჯგუფი **ნიკოლოზ ალექსიძე**  
**ხათუნა გაფრინდაშვილი**  
**ლანა გრძელიშვილი**  
**ნათია დუნდუა**  
**სოფიკო მენტეშაშვილი**  
**ირმა ხოსიტაშვილი**

გარეკანის დიზაინი **ვლადიმერ პერანიძე**  
დამკაბადონებელი **თამთა ჯანაშია**

Editor **Dali Chitunashvili**

Editorial team **Nikoloz Aleksidze**  
**Khatuna Gaprindashvili**  
**Lana Grdzelishvili**  
**Natia Dundua**  
**Sophiko Menteshashvili**  
**Irma Khositashvili**

Book cover design **Vladimer Peranidze**  
Text layout **Tamta Janashia**

ISBN 978-9941-9730-7-9  
DOI:10.51.36.4/26679604.jcpr.2021.v02

© კორნელი კეკელიძის სახელობის  
საქართველოს ხელნაწერთა ეროვნული ცენტრი, 2021

## შინაარსი

JOST GIPPERT

Preface..... 11

ნინო აფციაური, ნათია ჩანტლაძე, დალი ჩიტუნაშვილი

ზაზა ალექსიძე – ქრისტიანული კავკასიის ისტორიის დიდი მესაიდუმლე..... 14

ზაზა ალექსიძე – ბიბლიოგრაფია..... 18

### I. ისტორია, წყაროთმცოდნეობა, ეპიგრაფიკა

#### History, Source study, Epigraphy

ზაზა აბაშიძე / ZAZA ABASHIDZE

ავტოკეფალია / Autocephaly ..... 37

გიორგი გაბაშვილი / GIORGI GAGOSHIDZE

დავით აღმაშენებლის დროინდელი წარწერები სამშვილდის

დარბაზულ ეკლესიაზე / Inscriptions of the Period of David the Builder

on the Hall Church of Samshvilde..... 46

GÉRARD DÉDÉYAN

La coopération arméno-géorgienne à l'époque de l'Empire mongol,

sous le regard de Grigor d'Akner ..... 68

დარეჯან კლდიაშვილი, მაია დიასამიძე /

DAREJAN KLDIASHVILI, MAIA DIASAMIDZE

1668 წლის 4 იანვრის დიდი მიწისძვრა სამხრეთ კავკასიაში /

1668 January 4 Large Earthquake in the South Caucasus..... 79

JEAN-PIERRE MAHÉ

La liste des rois païens dans la Conversion du Kartli:

Originalité et cohérence rédactionnelle..... 106

ნათია ჩანტლაძე / NATIA CHANTLADZE

ძველი სომხური წერილობითი წყაროები პეტრე იბერის შესახებ /

Old Armenian literary sources on Peter the Iberian..... 118

გიორგი ჭეიშვილი / GIORGI TCHEISHVILI

გიორგი და არავესი (ნარკვევი ქვემო ქართლის ისტორიული გეოგრაფიიდან) /

Georg and Arewes: Studies in Historical Geography of Kvemo (Lower) Kartli..... 132

### II. ფილოლოგია

#### Philology

ენრიკო გაბიძაშვილი / ENRIKO GABIDZASHVILI

ქართული მეტაფრასტიკა ბიზანტიური ჰაგიოგრაფიის ისტორიის ფონზე /

Georgian Metaphraseis in light of the history of Byzantine Hagiography..... 141

<b>ხათუნა გაფრინდაშვილი / KHATUNA GAPRINDASHVILI</b>	
იოანე ბოლნელის ჰომილიათა შემცველი უცნობი პალიმფსესტური ხელნაწერი (H-1816a) / An Unknown Palimpsest Containing the Homilies of Ioane Bolneli (H-1816a) .....	162
<b>JOST GIPPERT</b>	
Old Georgian barsabon-i .....	179
<b>მაია მაჭავარიანი / MAIA MATCHAVARIANI</b>	
მასალები წმინდანთა ხსენებების კალენდრების ისტორიისათვის / Materials for the History of the Calendars of the Saints' Feast Days .....	197
<b>ნინო მელიქიშვილი / NINO MELIKISHVILI</b>	
წმ. ანდრია კრიტელის ღვთისმშობლის მიცვალებისადმი მიძღვნილი სამი ჰომილიის წმ. ეფთვიმე ათონელისეული თარგმანი და მისი სტრუქტურა ბერძნულ წყაროსთან მიმართებით / St Euthymios the Athonite's Translations of Three Homilies by St Andrew of Crete on the Dormition of the Mother of God and its Structure in Relation to the Greek Source.....	221
<b>მაია რაფავა / MAIA RAPHAVA</b>	
ქართულ-სომხური ლიტერატურული ურთიერთობანი XVIII საუკუნეში / Georgian-Armenian literary relations in the 18 <sup>th</sup> century.....	246
<b>FR. CHARLES RENOUX</b>	
Le Lectionnaire Géorgien palimpsest N/Sin.georg. 55 (Xe-XIe s.): Une Visée Christologique.....	257
<b>თამარ ოთხმეზური / THAMAR OTKHMEZURI</b>	
„რამეთუ ბერძულად ესრეთ არს“: ქართული ხელნაწერი წიგნის ელინიზაცია, XI-XII საუკუნეები / “As it is in Greek”: Hellenization of Georgian Manuscript: 11 <sup>th</sup> -12 <sup>th</sup> cc .....	270
<b>მზია სურგულაძე / MZIA SURGULADZE</b>	
ათონელი მამების „ცხოვრებები“ / The ‘Lives’ of the Athonite Fathers.....	286
<b>ბერნარ უტიე / BERNARD OUTTIER</b>	
სინურ ხელნაწერებში დაცული ეფრემ ასურის ერთი თხზულების თარგმანი და ქართული ენის ისტორია / The Georgian Translations of Ephrem the Syrian's One Work Preserved in the Sinaitic MSS and the History of the Georgian Language.....	297
<b>ლელა შათირიშვილი / LELA SHATIRISHVILI</b>	
ცნობები ადამიანის ჯანმრთელობისა და დაავადებათა მკურნალობის შესახებ ძველი აღთქმის მიხედვით / Notices about human health and treatment of diseases according to the Old Testament.....	310
<b>დალი ჩიტუნაშვილი / DALI CHITUNASHVILI</b>	
ხანმეტი ოთხთავის უცნობი ხელნაწერი / The Unknown Manuscript of the Khanmeti Gospels.....	320

ნესტან ჩხიკვაძე / NESTAN CHKHIKVADZE

ზოგიერთი შენიშვნა კრებულ მრავალთავის შესახებ / Some Comments on the Mravaltavi Collection ..... 334

**III. შუა საუკუნეების სამონასტრო ცენტრები**

**Medieval Monastic Centres**

BOGHOS LEVON ZEKIYAN

PILGRIMAGE AS A SIGN OF COMMUNION

With a particular regard to the tradition of the early Armenian Church..... 349

CLAUDIA RAPP

A "Chrysobull" of Justinian for Saint Catherine's Monastery

(Sin. gr. 1889) in the Light of Connections between the Sinai and

Constantinople in the 16<sup>th</sup> Century ..... 365

**IV. ფილოსოფია, თეოლოგია**

**Philosophy and Theology**

LELA ALEKSIDZE

Are we, as actors on the stage, still free?

Plotinus' Ennead on the Providence III 2 (47) ..... 378

ზურაბ კიკნაძე / ZURAB KIKNADZE

კუმრანის ბაპტიზმა / Qumran Baptism ..... 391

**V. არმენოლოგია**

**Armenian Studies**

S. PETER COWE

"Sisianos Sebastac'i's Encomium on the Forty Martyrs of Sebastē"..... 404

TINATIN EVDOSHVILI

A Newly found fragment of ancient Armenian Manuscript..... 434

THEO MAARTEN VAN LINT

A Matean Oġbergut'ean by Grigor Tġay. On the Reception of the Narek in Cilicia..... 445

ALESSANDRO ORENGO

Eznik Koġbacci entre Orient et occident..... 472

MICHAEL E. STONE

Sadayēl's Fall from Heaven ..... 486

**VI. ხელოვნებათმცოდნეობა**

**Art History**

ქეთევან ასათიანი / KETEVAN ASATIANI

ლახამულის ოთხთავი / The Lakhamuli Gospel..... 497

დარეჯან გობაშვილი, დალი ჩიტუნაშვილი /

DAREJAN GOGASHVILI, DALI CHITUNASHVILI  
კალკოსის სახარება / The Kalkosi Gospel ..... 508

ზაზა სხირტლადე, გიორგი ბაბრატონი /  
ZAZA SKHIRTLDZE, GIORGI BAGRATIONI  
ფარნაკის ციხის ეკლესია / The Church of the Parnaki Fortress ..... 521

**VII. საზოგადოებათმცოდნეობა**

**Social Sciences**

როინ მეტრეველი / ROIN METREVELI  
აღმოსავლეთისა და დასავლეთის დაპირისპირების ერთი საკითხი /  
One Issue of Confrontation Between the East and West..... 545

ვლადიმერ პაპავა / VLADIMER PAPAUA  
„ცენტრალური კავკასიიდან“ – „ცენტრალურ კავკაზიამდე“ /  
From the “Central Caucasus” to the “Central Caucaso-Asia”..... 560

**მაია მაჭავარიანი**

კორნელი კეკელიძის სახელობის საქართველოს  
ხელნაწერთა ეროვნული ცენტრი

## **მასალები წმინდანთა ხსენებების კალენდრების ისტორიისათვის**

### **წერილი 2**

ჩვენი კვლევის საგანია წმინდანთა ხსენებების სხვადასხვა პერიოდის ოთხი ქართული კალენდარი – იერუსალიმური ლექციონარი, იოანე-ზოსიმეს კალენდარი, ექვთიმე მთაწმინდელის მცირე სვინაქსარი და გიორგი მთაწმინდელის დიდი სვინაქსარი. ეს ძეგლები ასახავენ ქართული საეკლესიო ღვთისმსახურების წესის განვითარების ძირითად ეტაპებს: იერუსალიმური ლექციონარი, ან დაკარგული ორიგინალის VII საუკუნეში შესრულებული თარგმანი, წარმოადგენს იერუსალიმურ ლიტურგიკულ პრაქტიკას უძველეს პერიოდში<sup>1</sup>; იოანე-ზოსიმეს კალენდარი, რომელიც X საუკუნის შუახანებში შედგა, გარდამავალი პერიოდის ახალ ტენდენციებს გვიჩვენებს<sup>2</sup>, ექვთიმეს მცირე სვინაქსარი არის უკვე კონკრეტულად კონსტანტინოპოლურ ღვთისმსახურების პრაქტიკაზე ორიენტირებული ნაშრომი<sup>3</sup>, გიორგი მთაწმინდლის დიდი სვინაქსარი<sup>4</sup> კი გვევლინება, როგორც დაგვირგვინება ქართული ღვთისმსახურების კონსტანტინოპოლურ წესზე გადასვლის პროცესისა.

ჩვენი კვლევის მიზანია ამ ოთხი ძეგლის შედარებითი ანალიზის საფუძველზე წარმოვაჩინოთ წმინდანთა ხსენებების ქართული კალენდრების ჩამოყალიბების პროცესი, წარმოვადგინოთ წმინდანები, რომლებიც იხსენიებოდნენ ქართული ღვთისმსახურების წესის ჩამოყალიბების სხვადასხვა ეტაპზე, გავადევნოთ თვალი, ვინ იხსენიებოდა ადრეულ პერიოდში, რომელი წმინდანების ხსენება დაემატა მოგვიანებით და ვისი ხსენება შეწყდა.

<sup>1</sup> Tarchnishvili, *Lectionnaire*, I et II.

<sup>2</sup> Garitte, *Le calendrier*.

<sup>3</sup> ექვთიმე მთაწმინდლის „მცირე სვინაქსარის“ ტექსტს და გამოკვლევას გამოსაცემად ამზადებს დალი ჩიტუნაშვილი. მადლობას ვუხდით მას, რომ მოგვცა საშუალება გამოგვეყენებინა მისი ხელნაწერი.

<sup>4</sup> იქვე, გვ. 010.

ხსენებული კალენდრების კვლევის პირველ წერილში<sup>1</sup> წარმოვადგინეთ სია იმ წმინდანებისა, რომელთა ხსენებაც ქართულ ქრისტიანულ ეკლესიაში დაიწყო უძველეს დროს და გაგრძელდა ბიზანტინიზაციის შემდგომაც. ეს სია შევადგინეთ წმინდანთა ხსენებების ოთხი ქართული კალენდრის შეპირისპირებითი ანალიზის საფუძველზე. ოთხ კალენდარში წმინდანთა გაიგივებისა თუ განსხვავებისათვის ჩვენ გამოვყავით რამდენიმე ფაქტორი – წმინდანის სახელი, ხსენების დღე, ჯგუფური ხსენება, უსახელო ხსენება, საერო თუ სასულიერო წოდებები, გეოგრაფიული ლოკაცია. კვლევამ აჩვენა, რომ ამ ფაქტორებიდან ცალკე აღებული არცერთი არ არის საკმარისი კალენდრებში წმინდანების იდენტიფიკაციისათვის, არამედ საჭიროა ზემოთ ჩამოთვლილი ფაქტორებიდან რამდენიმეს ერთდროულად გათვალისწინება.

ზემოთ ჩამოთვლილი ძეგლებიდან განსაკუთრებულ ინტერესს იწვევს იოანე-ზოსიმეს კალენდარი. ეს უნიკალური ნაშრომი – X ს.-ის დღემდე მოღწეული პირველი კალენდარი, სადაც ადრეული, მარტის და სექტემბრის, კალენდრებისაგან განსხვავებით (სადაც წელიწადის დასაწყისი იყო 1-ლი მარტი ან 1-ლი სექტემბერი)<sup>2</sup>, ხსენებები და დღესასწაულები განწყობილია 1-ლი იანვრიდან 31 დეკემბრის ჩათვლით; რაც მთავარია, აქ იოანე-ზოსიმეს შეუტანია, მისივე სიტყვით, „დღესასწაულნი ყოველნი ახალნი და ძუელნი სრულად“ ოთხი სხვადასხვა წყაროს მიხედვით – „კანონისაჲთა და საბერძნეთისაჲთა და იერუსალჴმისაჲთა და საბანმიდისაჲთა“<sup>3</sup>. კალენდრის ხელნაწერიც კარგად აჩვენებს სამუშაო პროცესს – მრავალჯერაა ჩასწორებული და ბევრია ჩამატება, – როგორც ჩანს, იოანე-ზოსიმე არა ერთხელ მიუბრუნდა წყაროებს, ჩაასწორა, დაუმატა. ყოველივე ამის შედეგად მივიღეთ მართლაც უნიკალური ძეგლი, ფორმით თუ შინაარსით. წინამდებარე სტატიაში წარმოვადგინეთ წმინდანებს, რომელთა დამკვიდრება ქართულ საღვთისმეტყველო პრაქტიკაში იოანე-ზოსიმეს სახელს უკავშირდება. სტატიის ბოლოს ცხრილში წარმოდგენილი წმინდანების ეს სიაც ზემოთ ხსენებული კრიტერიუმების გათვალისწინებით, კალენდრების შეპირისპირებითი ანალიზის საფუძველზე შედგა.

იოანე-ზოსიმეს კალენდარი სრულყოფილად შეისწავლა მისმა გამომცემელმა, გამოჩენილმა ბელგიელმა მეცნიერმა ჟერარ გარიტმა. წმინდანთა ხსენებებში მან გამოყო რამდენიმე ფენა თავად იოანე-ზოსიმეს მიერ მითითებული წყაროების მიხედვით<sup>4</sup> და ბერძნული კალენდრებისა და ქართული მასალების საფუძველზე შეძლო კალენდარში ხსენებული წმინდანების უმეტესობის იდენტიფიცირება.

<sup>1</sup> იბეჭდება კრებულში „ენრიკო გაბიძაშვილი 90“.

<sup>2</sup> კეკელიძე, *ძველი ქართული წელიწადი*, გვ. 123.

<sup>3</sup> Garitte, *Le calendrier*, p. 20-37.

<sup>4</sup> Idem.

კალენდრების შეპირისპირებითი ანალიზის დროს ხსენების დღეების დიდი ვარიაციებისა თუ განსხვავებების გამო საჭირო იყო ერთი რომელიმე კალენდრის არჩევა ძირითად კალენდრად და ასეთად ჩვენ ავირჩიეთ გიორგი მთაწმიდლის დიდი სვინაქსარი. ეს არჩევანი განაპირობა შემდეგმა გარემოებებმა: ა) დიდი სვინაქსარის სათვეო ნაწილი ასახავს კონსტანტინეპოლის დიდი ეკლესიის დღესდღეობით დაკარგულ ტიპიკონს<sup>1</sup>, აქ წარმოდგენილია შეძლებისდაგვარად სრული სია წმინდანებისა, რომელთაც პატივს მიაგებდნენ იმ პერიოდის კონსტანტინეპოლში, აღმოსავლეთ ქრისტიანული სამყაროს მაშინდელ ცენტრში; ბ) როგორც წმინდანთა ხსენებების კალენდრების ისტორიის შესახებ პირველ წერილში აღვწერეთ, კალენდრიდან კალენდარში იცვლება ერთი და იმავე წმინდანთა სახელთა დაწერილობა, ხსენების დღე, რაც ართულებს წმინდანთა გაიგივებას თუ განსხვავებას (განსაკუთრებით იმ შემთხვევებში, როდესაც ერთსა და იმავე დღეს არის ერთი და იმავე სახელის მქონე რამდენიმე წმინდანის ხსენება – ამაზე იხილე ქვემოთ). დიდ სვინაქსარში წმინდანების მოსახსენებლებზე დართულ ტექსტებში მოყვანილია ხოლმე შეძლებისდაგვარად სრული მონაცემები – დაბადების ადგილი, მშობელთა სახელები, სად მოღვაწეობდა, სად ეწამა, ვისი მმართველობის დროს და სხვა, რაც იძლევა საშუალებას ზუსტად განისაზღვროს, რომელ წმინდანზეა საუბარი. შესაბამისად, იოანე-ზოსიმეს კალენდრის შედარებამ გიორგი მთაწმიდლის დიდ სვინაქსართან მოგვცა დამატებითი მასალა ზოგიერთი წმინდანის იდენტიფიცირებისათვის:

ა) წმინდა პელაგია

იოანე-ზოსიმესთან წმინდან პელაგიას ხსენება არის ორჯერ – 05/05<sup>2</sup> და 07/10. ჟ. გარიტი მიიჩნევს, რომ ორივე ხსენება ეხება პელაგია ანტიოქელს<sup>3</sup>. დიდ სვინაქსარში პელაგიას რამდენიმე ხსენებაა, მათ შორის 05/05 (მხოლოდ ხსენებაა, ტექსტის გარეშე) და 08/10, მაგრამ ამ დღეს ორი სხვადასხვა მონამე პელაგიას ხსენებაა – ხსენებებზე დართული ტექსტების მიხედვით ერთი არის პელაგია ანტიოქელი და მეორე – პელაგია თარსუელი, რომლის კიდეც ერთი ხსენების დღე ბერძნული სვინაქსარის მიხედვით არის 5 მაისი<sup>4</sup>. აქედან გამომდინარე უნდა ვიფიქროთ, რომ იოანე-ზოსიმესთანაც არის არა ერთი, არამედ ორი სხვადასხვა პელაგიას ხსენება – თარსუელისა და ანტიოქელის.

ბ) წმინდა ფოკა

ბერძნულ კალენდრებში რამდენიმე სხვადასხვა ფოკა დასტურდება<sup>5</sup> – ფოკა სინოპის ეპისკოპოსი, ფოკა მებალე (სინოპში), ფოკა ანტიოქელი, ფოკა და ერმილე და სხვა. ამათგან სინოპელი ფოკები ეწამნენ ტრაიანეს მეფობისას.

<sup>1</sup> გიორგი მთაწმიდელი, *დიდი სვინაქსარი*, დოლაქიძე-ჩიტუნაშვილი, გვ. 012.

<sup>2</sup> წმინდანთა ხსენების თარიღები აქაც და ცხრილშიც მითითებულია ერთი პრინციპით – რიცხვი/თვე.

<sup>3</sup> Garitte, *Le calendrier*, p. 352.

<sup>4</sup> Delehayе, *Synaxarium*, p. 1150; 04/05 – Полный Месяцеслов Востока II, Указатель 1, с. 149.

<sup>5</sup> Delehayе, *Synaxarium*, p. 1177; Полный Месяцеслов Востока II, Указатель 1, с. 159.

ამათგან სამი ფოკა – ეპისკოპოსი, მებაღე და ანტიოქელი – უნდა მომდინარეობდეს ერთი წმინდანისგან და ეს იყო ფოკა მებაღე<sup>1</sup>. იოანე-ზოსიმესთან ფოკას ხსენება ბევრია და ჟ. გარიტი ამ ხსენებებს აკავშირებს ფოკა მებაღესთან<sup>2</sup>, რომლის შესხმაც დანერილი აქვს ასტერიოს ამასიელ ეპისკოპოსს<sup>3</sup>. მაგრამ დიდი სვინაქსარის მონაცემები განსხვავებული ვარაუდის საფუძველს გვაძლევს.

გიორგისთან სამი სხვადასხვა ფოკაა ხსენებული: ფოკა სინოპელი (22/09 – ერთვის ტექსტი), ფოკა (აღესრულა აბანოში წამებით – 22/07 – ერთვის ტექსტი) და ფოკა და ერმილე მონამენი (18/12 – მხოლოდ ხსენება).

იერუსალიმურ ლექციონარსა და იოანე-ზოსიმესთან ფოკას ხსენება ბევრია. ლექციონარსა და იოანე-ზოსიმესთან ერთად იხსენიება შემდეგ თარიღებზე: 30/06, 18/07, 30/08, 09/09, 31/10. იოანე-ზოსიმესთან კიდევ არის ხსენებები: 04/05, 10/08, 06/09, 07/09, 22/09, 25/10.

ამ ხსენების დღეების მიხედვით ფოკასა და ერმილეს წყვილი ლექციონარსა და იოანე-ზოსიმესთან არ არის – სახელი „ერმილე“ ამ კალენდრებში საერთოდ არ ჩანს, გარდა იოანე-ზოსიმესთან 14/01 „ერმოლოს სტრატონიკა მონამის“ ხსენებისა, რომელიც არის „ერმილე და სტრატონიკე, მონამეების“ (13/01) დამახინჯებული ფორმა. ლექციონარსა და იოანე-ზოსიმეს კალენდარში 18/07-ის ხსენება დროის პერიოდის სიახლოვით, ვფიქრობთ, უნდა იყოს იმ ფოკას ხსენება, რომელიც დიდ სვინაქსარში იხსენიება 22/07 და რომელიც აბანოში აღესრულა – ფოკა სინოპელი ეპისკოპოსი, რომლის რამდენიმე ხსენებაც ივლისის თვეში დასტურდება ბერძნულ კალენდრებში<sup>4</sup>.

იოანე-ზოსიმესთან, ექვთიმეს მცირე სვინაქსარსა და გიორგის დიდ სვინაქსარში ერთად იხსენიება ფოკა მებაღე 22/09. ლექციონარის ხსენებებიდან ვერ ვიტყვით, რომელი შეიძლება გულისხმობდეს ფოკა მებაღეს, ვინაიდან არცერთი არ არის 22/09-სთან მაინცდამაინც ახლოს.

ყოველივე ეს, ვფიქრობთ, გვაძლევს საშუალებას ვთქვათ, რომ იოანე-ზოსიმეს კალენდარში იყო არა ერთი, ცალკე მდგომი მონამე ფოკა ხსენებული, როგორც ამას ჟ. გარიტი ვარაუდობდა, არამედ ორი – სინოპელი ეპისკოპოსი და სინოპელი მებაღე. ალბათ, ლექციონარშიც ერთზე მეტი ფოკა არის ხსენებული – კვლევის ამ ეტაპზე მეტის თქმა ძნელია.

#### გ) წმინდა პაფნუტი

გიორგისთან სახელი „პაფნოტი“ გვხვდება 4-ჯერ: 26/01 (დომენტი და პაფნოტი); 15/02 (ეფროსინე და მამა მისი, პაფნუტი), 20/04 (პაფნოტი მონაზო-

<sup>1</sup> Oxford Dictionary of Saints, ბმული:

<https://www.oxfordreference.com/view/10.1093/oi/authority.20110803100323570>

<sup>2</sup> Garitte, *Le calendrier*, p. 337.

<sup>3</sup> ტექსტი გამოცემულია: ძველი მეტაფრასული კრებულები, გვ. 388-393.

<sup>4</sup> Delehay, *Synaxarium*, p. 1177; ამ ფოკას „წამების“ ტექსტი, სადაც აღწერილია მისი აღსრულება აბანოში, გამოცემულია: იმნაიშვილი, *საკითხავი წიგნი*, II, გვ. 32-40.

ნი) და 25/09 (პაფნოტი მონაზონი). ეს ოთხი ხსენება რეალურად ორ წმინდანს ეხება: წმ. ეფროსინეს მამას (15/02) და მეუდაბნოე პაფნუტი მეგვიპტელს (25/09). მაგრამ, როგორც ჩანს, ამ წმინდანების ხსენების დღეები უკვე აღრევე ირეოდა და ერთმანეთს ემთხვეოდა<sup>1</sup>. ჟ. გარიტის აზრით, 25/09 ხსენებული პაფნუტი უნდა იყოს წმ. ეფროსინეს მამა, პაფნუტი, და ამ ვარაუდს ამყარებს ამ წმინდანთა წამების ადრეული კიმენური ვერსიის ქართული თარგმანის არსებობით<sup>2</sup>. მაგრამ, რადგან: ა) ამ წმინდანთა ხსენების დღეები აღრეული იყო უკვე ადრეულ ეტაპზე, ბ) გიორგის ტექსტის მიხედვით პაფნოტი „უმრავლესთა ჟამთა ცხოვრებისა მისისათა უდაბნოთა შინა იქცეოდა“, გ) ლექციონარშიც და იოანე-ზოსიმესთან პაფნოტი/პაფნუტი მოხსენიებულია როგორც მეუდაბნოე<sup>3</sup>, ეფროსინესა და პაფნუტის ცხოვრებაში კი უდაბნო საერთოდ არ ფიგურირებს<sup>4</sup>, მიგვაჩნია, რომ ყველა კალენდარში ამ დღეს იხსენიება მეუდაბნოე პაფნუტი მეგვიპტელი და არა წმ. ეფროსინეს მამა პაფნუტი.

დ) წმინდა თომა

იოანე-ზოსიმეს კალენდარში, გარდა თომა მოციქულისა, სახელი „თომა“ გვხვდება კიდევ ერთხელ – 24/03 თომა მონაზონი. ჟ. გარიტმა გამოთქვა ვარაუდი, რომ ეს არის კირილე სკითხოპოლელის მიერ დაწერილ წმ. ექვთიმეს ცხოვრებაში ნახსენები ილუმენი თომა, რომელიც გარდაიცვალა 542 წლის 25 მარტს<sup>5</sup>.

დიდ სვინაქსარში 22/03 არის ხსენება თომა კონსტანტინეპოლელი პატრიარქისა – ეს უნდა იყოს თომა I, რომელიც იყო კონსტანტინეპოლის პატრიარქი 607-610 წლებში, ხსენების დღე არის მისი გარდაცვალების თარიღი 21/03<sup>6</sup>. გიორგისთან თომა პატრიარქი კიდევ იხსენიება 18/02 – ეს ხსენების დღეები ასევე დასტურდება ბერძნულ სვინაქსარშიც.<sup>7</sup> საფიქრებელია, რომ იოანე-ზოსიმესთანაც 24/03 ამ პატრიარქის ხსენებაა.

ე) თევდოლონ ეპისკოპოსი

<sup>1</sup> Полный Месяцеслов Востока II, Указатель 1, с. 149. Указатель 2, с. 188; Православная Энциклопедия, *Евфросинья*, ბმული: <https://www.pravenc.ru/text/187876.html> – ამ წყაროების მიხედვით წმ. ეფროსინეს მამა იხსენიებოდა ორივე დღეს 25/09 და 15/02. 25/09 იხსენიებოდა მეუდაბნოე პაფნუტიც და კიდევ სხვა პაფნუტებიც.

<sup>2</sup> Garitte, *Le calendrie*, p. 339.

<sup>3</sup> ლექციონარში ამ დღის სრული ხსენება გამოიყურება შემდეგნაირად: „თთუესა ფებერვალსა დ, წმიდათა მეუდაბნოელთა: აპელსი, აპოლონისი, პაფნოტისი, დიოსკორსი, თეოდორე პელონელისაჲ და ტიმოთე მარტკლისა. ყოველთა მართალთაჲ“ (გვ. 37); იოანე-ზოსიმესთან იმავე დღეს: „ფილემონ მგოსნისა და მონამისაჲ, და წმიდათა მეუდაბნოეთა აპელესი და ანპოლონისი და ტაფნოტისი და დიოსკორესი და თევდორსი პელოსელისაჲ, და ტიმოთე მარტკლისაჲ, და ისიდორსი, და ელია მონამისა დამასკელისაჲ“ (გვ. 48).

<sup>4</sup> Православная Энциклопедия, *Евфросинья*, ბმული: <https://www.pravenc.ru/text/187876.html>.

<sup>5</sup> Garitte, *Le calendrie*, p. 183.

<sup>6</sup> Orthodox Church in America, ბმული: <https://www.oca.org/saints/lives/2018/03/21/100860-saint-thomas-patriarch-of-constantinople>

<sup>7</sup> Полный Месяцеслов Востока II, Указатель 1, с. 164; Delehay, *Synaxarium*, p. 1198.

იოანე-ზოსიმესთან 29/11 არის თევდოლონ ეპისკოპოსის ხსენება, რომელსაც ჟ. გარიტი აიგივებს რამდენიმე ბერძნულ სვინაქსარში 28-29 ნომბერს ხსენებულ სომხეთის თევდოსიპოლისის ეპისკოპოს თევდორესთან<sup>1</sup>. ასეთი გაიგივება შესაძლებელია, მაგრამ, როგორც თავად მკვლევარი აღნიშნავს, ეს ნაკლებად ცნობილი წმინდანია. დიდ სვინაქსარში 03/12 არის თევდორე კვიპრელის ხსენება – ვფიქრობთ, იოანე-ზოსიმესთან სწორედ ამ წმინდანის ხსენება უნდა იყოს.

როგორც უკვე აღვნიშნეთ, ქვემოთ მოყვანილ ცხრილში წარმოვადგენთ წმინდანებს, რომლებიც არ ჩანან ადრეულ კალენდრებში (ჩვენს შემთხვევაში – იერუსალიმურ ლექციონარში) და მათი ხსენებების დამკვიდრება ქართულ საღვთისმსახურო პრაქტიკაში იოანე-ზოსიმეს სახელს უკავშირდება. ეს წმინდანები მანამდეც ცნობილი იყვნენ ქართველებისთვის, ამას ადასტურებს მათი ცხოვრებისა თუ წამების კიმენური ვერსიების ძველი თარგმანები<sup>2</sup>, მათი ხსენებები შემორჩენილია ადრეულ ხელნაწერებში<sup>3</sup>. მაგრამ იოანე-ზოსიმეს ნაშრომი არის ამ პერიოდის ერთადერთი, ჩვენამდე მოღწეული კალენდარი, სადაც თავმოყრილია სხვადასხვა წყაროდან ამოკრებილი ამდენი წმინდანი და სადაც მკაფიოდ ჩანს ბერძნული სვინაქსარებიდან შემოტანილი წმინდანების ფენა. ამას აღნიშნავს, როგორც ვთქვით, ჟ. გარიტი და ეს კარგად ჩანს ქვემოთ მოყვანილ ცხრილში, სადაც იოანე-ზოსიმეს მიერ შემოტანილი „ახალი“ წმინდანების ხსენების დღეები უმეტეს შემთხვევაში ძალიან ახლოსაა დიდ სვინაქსართან. ამ „ახალი“ წმინდანების რაოდენობა დიდია – ეს უკვე ცხადად მიგვანიშნებს ორიენტირის ცვლილებაზე იერუსალიმიდან ბიზანტიაზე, ქართული საღვთისმსახურო პრაქტიკის ბიზანტინიზაციის პროცესის დასაწყისზე.

ცხრილში კალენდრების მონაცემები წარმოდგენილია ცალ-ცალკე სვეტებში. თუ დანარჩენ კალენდრებში წმინდანის ხსენება დიდი სვინაქსარისაგან განსხვავებულ დღესაა, მაშინ ცხრილის შესაბამის უჯრებში ეს ხსენება მოყვანილია იტალიკით.

მცირე სვინაქსარი, როგორც უკვე ითქვა, ერთადერთი, ძლიერ დაზიანებული ხელნაწერით არის მოღწეული და ტექსტს ბევრი აკლია. შესაბამისად, ცხრილშიც მცირე სვინაქსარის სვეტში ბევრი უჯრა ცარიელია.

<sup>1</sup> Garitte, *Le calendrie*, p. 398.

<sup>2</sup> წმინდანები, რომლებიც არ ჩანან იერუსალიმურ ლექციონარში, მაგრამ შემონახულია მათი ცხოვრების თუ წამების კიმენური ვერსია: პავლე თეზაიდელი (15/01); კონონი ისავრიელი (06/03); ივლიანე მეგვიპტელი (21/06); მართა, სვიმეონ მესუეტის დედა (05/07); კვიპრიანე და იუსტინა (02/10) და სხვა – იხ. გაბიძაშვილი, *ქართული ნათარგმნი ჰაგიოგრაფია*, შესაბამისი სტატიები.

<sup>3</sup> უფრო გარიტს თავის გამოცემაში მითითებული აქვს თითოეულ იდენტიფიცირებულ წმინდანზე ქართული ხელნაწერები, სადაც არსებობს მათი ხსენება.

ბოლო სვეტში არის კომენტარები, მათ შორის თითოეულ კონკრეტულ შემთხვევაში, საჭიროებისდა მიხედვით, აღნიშნულია ის კრიტერიუმები, რის საფუძველზეც მივიჩნით შესაძლებლად სხვადასხვა კალენდრების ხსენებების გაერთიანება და წმინდანების გაიგივება.

<i>დღე / თვე</i>	<i>იოანე ზოსიმეს კალენდარი</i>	<i>მცირე სვინ-აქსარი (ექვთიმე მთაწმიდელი)</i>	<i>დიდი სვინაქსარი (გიორგი მთაწმიდელი)</i>	<i>კომენტარები</i>
03/01	მალაქია წინას-წარმეტყველი		მალაქია წინას-წარმეტყველი	მეტი ხსენება არსადაა.
03/01	<i>გორდი მონამე</i>		გორდი მონამე	იზ-სთან ხსენებაა 04/01.
09/01	პოლოევკატე მონამე		პოლიევკტო	აქ იგულისხმება მეომარი წმინდანი პოლიევკტო, მიტილინელი მონამე <sup>1</sup> - გიორგის ტექსტის მიხედვით.
10/01	გრიგოლ ნოსელი	გრიგოლ ნოსელი	გრიგოლ ნოსელი	ლექც.-ში არის რამდენიმე გრიგოლი, მაგრამ გრიგოლ ნოსელთან გაიგივების საფუძველი არცერთ შემთხვევაში არ ჩანს.
11/01	თევდოსი მამა	თევდოსი იერუსალიმელი	თევდოსი იერუსალიმელი	ეს არის მონაზონი და მეუღ-აბნოე თევდოსი იერუსალიმელი (423 – 529 წწ.) <sup>2</sup> .
13/01	<i>ერმოლოს სტრა-ტონიკა მონამე</i>	ერმილო და სტრატონიკო	ერმილო და სტრა-ტონიკო	იზ-სთან ხსენება არის 14/01.
14/01	<i>მამათა სინელთა და რაითელთა</i>	სინას და რაითას მოსრულნი	სინას და რაითას მოსრულნი	იზ-სთან ორი ხსენება 13/01 და 28/12.
19/01	თევდოტი ხუცი	თეოდოტი კვიპრელი ეპისკოპოსი	თეოდოტი კვირინელი ეპისკოპოსი	
21/01	მაქსიმე აღმსარებელი	მაქსიმე აღმსარებელი	მაქსიმე აღმსარებელი	
22/01	<i>ბიკენტი</i>		ვიკენტი დიაკონი	იზ-სთან ბიკენტი 24/01 - გაიგივდა დროის პერიოდის მიხედვით.

<sup>1</sup> The Cult of Saints, Polyeuktos, soldier and martyr of Melitene S00325, იხ. ბმული: <http://csla.history.ox.ac.uk/record.php?recid=S00325>.

<sup>2</sup> Encyclopaedia Britannica, *St. Theodosius of Palestine*, იხ. ბმული: <https://www.britannica.com/biography/Saint-Theodosius-of-Palestine>.

31/01	პაპიონ, დი- ოდორონ, მონამე- ნი		უიქტორინო, უიქტოროს, ნიკი- ფორე, კლავდიოს, დიოდორე, სერა- პიონ, პაპიანე, მონამენი	ენამნენ ერთად იმპერატორ დეკიოსის დროს <sup>1</sup> ; აქ წმინ- დანების ჯგუფიდან მხოლოდ ორია დასახელებული <sup>2</sup> ; ბერ- ძნულ სვინაქსარში ხსენება 04/02 <sup>3</sup> ; იზ-სთან - 27/02.
09/02	ნიკიფორე მონამე		ნიკიფორე მონამე	გიორგის მიხედვით, რამდენ- იმე მონამე ნიკიფორეა. ეს არის ხსენების დღის მიხედ- ვით ნიკიფორე ანტიოქელი <sup>4</sup> . იზ-სთან კიდევ ერთი ხსენება 06/02.
11/02	ბასილი მარტვილი, ბლასიონტონ ხუცი	ვლასი მლ- დელმონამე სებასტიელი და მის თანა წამებულთა დედათა	ვლასი მლდელ- მონამე სებასტიე- ლი და მის თანა წამებულთა დედათა	ჟ. გარიტის აზრით, იზ-სთან ამ დღეს ხსენებული ბა- სილიც და ბლასიონტონიც არის ერთი და იმავე წმინ- დანის, ვლასის, სხვადასხვა წყაროდან გადმოღებული დამახინჯებული ვარიანტი <sup>5</sup> . მსგავსი შემთხვევები - იხ. აქვე 05/04, 17/04.
12/02	პლუტიანე მონამე		პლუტიანე და სატორნინე მონა- მეები	სახელი პლუტინე/პლუტიანე მონამეთა სიაში დასტურ- დება მხოლოდ ერთხელ სატორნინე/სატორნინესთან ერთად, ხსენების დღე 12/02 <sup>6</sup> . ასევე ერთხელ გვხვდება დიდ სვინაქსარშიც და იზ-სთანაც. იზ-სთან ხსენება 02/10 დროს პერიოდით ძალიან დამ- ორებულია, მაგრამ იგივე წმინდანია <sup>7</sup> .
12/02	მელეტი პატრიარქი		მელეტი ანტიოქი- ის ეპისკოპოსი	გიორგის მიხედვით, ორი მე- ლეტია, ერთი მელეტი ანტიო- ქელი და მეორე სტრატილატი (23/05), სხვა წმინდანია.
13/02	მარტინიანოზ მონა- ზონი	მარტინიანე	მარტინიანე	

<sup>1</sup> Garitte, *Le calendrier*, p. 166.

<sup>2</sup> მსგავსი შემთხვევები იხ. აქვე 16/04, 24/04.

<sup>3</sup> Delehaye, *Synaxarium*, p. 1147.

<sup>4</sup> Delehaye, *Synaxarium*, p. 453; The Cult of Saints, Nikephoros, martyr of Antioch, S01505, იხ. ბმული: <http://csla.history.ox.ac.uk/record.php?recid=S01505>, მაგრამ აქ მითითებული ხსენების დღე 03/05 სინამდვილეში სხვა ნიკიფორეს - მიდიკიელის, ხსენების დღეა, იხ. დოლაქიძე, ჩიტუნაშვილი, დიდი სვინაქსარი, გვ. 224 - აქ ნიკიფორე მიდიკიელი იხსენიება 4 მაისს.

<sup>5</sup> Garitte, *Le calendrier*, p. 156.

<sup>6</sup> Полный Месяцеслов Востока II, Указатель 2, с. 188; Delehaye, *Synaxarium*, p. 460.

<sup>7</sup> Garitte, *Le calendrier*, p. 347.

15/02	ონესიმე, ხუცი, მონამე	ონისიმე მღვდელ-მონამე, პავლე მოციქულის მონაფე	ონისიმე მღვდელ-მონამე, პავლე მოციქულის მონაფე	
17/02	<b>თევდორე მონამე (დადგმა)</b>	თევდორე ტირონი, მონამე	თევდორე ტირონი, მონამე	იზ-სთან თევდორე იხსენიება 20/02 და ეს თევდორე ტირონი უნდა იყოს (მხოლოდ სახელითაა ხსენებული). ლექც.-შიც არის თევდორეს რამდენიმე ხსენება, მაგრამ მხოლოდ სახელითაა ხსენებული, ამ თარიღთან ახლოს არცერთი არ არის, ამიტომ ამ ეტაპზე ვერ ვიტყით, რომელია კონკრეტულად ტირონის ხსენება.
17/02	<b>ლეონტი, პაპა</b>	<b>ლეონტი შრომისა არქიმანდრიტისა</b> <sup>2</sup>	ლეონტი რომისა; <b>ლეონტი შრომისა არქიმანდრიტისა</b>	ეს არის ლეო I, რომის პაპა 440-461 წლებში, ხსენების დღე 18/02 <sup>1</sup> . იზ-სთან იხსენიება 18/02; სამივე კალენდარში ერთად ხსენებაა 30/12 - გიორგისთან ამ დღეს ხსენებას ერთვის ტექსტიც.
21/02	ევსტათი ეპისკოპოსი		ევსტათი ანტიოქელი ეპისკოპოსი	გიორგისთან კიდევ ერთი ხსენებაა 23/08 და მას ერთვის ტექსტიც.
25/02	ტარასი, ეპისკოპოსი		ტარასი კონსტანტინეპოლელი მთავარეპისკოპოსი	
01/03	ევდოკია, მონამე		ევდოკია მონამე	
01/03	კლეონიკო, ევდოროპი, ბასილიკე		ევტროპიო, კლეონიკე და ვასილისკო, მონამენი	გიორგისთან კიდევ ერთი ხსენებაა 20/02.
04/03	<b>ჯერასიმე</b>		ჯერასიმე, მამა	იზ-სთან ხსენებაა 03/03 და 05/03.
06/03	<b>ბასილი, ქერსონელი ეპისკოპოსი</b>		ბასილი, ევგენი, ალათოდორე, ელპიდი, ეთერი, კაპიტონ და ეფრემ მღვდელმოდღუართა, რომელნი ინამნეს ქერსოვნეთს	იზ-სთან ხსენებაა 28/03.

<sup>1</sup> Православная Энциклопедия, *Лев I Великий*, იხ. ბმული: <https://www.pravenc.ru/text/2463253.html>

06/03	კონონი, მონამე		კონონი, რომელი ინამა ისავრისას	
08/03	<i>თეოფილ[ა]ქტე ეპისკოპოსი</i>		თეოფილაქტე ნიკიელი ეპისკო- პოსისა	იზ-სთან ხსენებაა 07/03.
10/03	<i>პავლე, ეპისკო- პოსი</i>		პავლე აღმსარებე- ლისა, პრუსიადელ ეპისკოპოსისა	პავლე პრუსიადელი (ბით- ვინიაში) ეპისკოპოსი, რომე- ლიც ანამეს იკონოკლასტებ- მა. <sup>1</sup> იზ-სთან ხსენება არის 08/03 <sup>2</sup> .
12/03	თეოფანე		თეოფანე სილრი- ანის მამასახლისი, რომელი იტანჯა წმიდათა ხატთა თაყუანისცემის- ათვის	
13/03	საბინონ, მონამე	საბინე მონამე	საბინე მონამე	
17/03	ალექსიონი	ალექსი კაცი ღმრთისა	ალექსი კაცი ღმ- რთისა	გიორგისთან არის კიდევ ხსენება 17/06, ერთვის ტე- ქსტი.
22/03	<i>თომა, მონაზონი</i>	თომა კონსტან- ტინეპოლელი პატრიარქი	თომა კონსტან- ტინეპოლელი პატრიარქი	იზ-სთან, გარდა თომა მო- ციქულისა, ეს ერთადერთი თომაა - ხსენება 24/03.
28/03	<i>მატრონა</i>		მატრონა თესა- ლონიკელი	იზ-სთან ხსენება 27/03.
30/03	იოვანე კლემაქსი		იოვანე სინელი მამასახლისი (კლემაქსი)	იზ-სთან კიდევ ერთი ხსენება 31/03.
03/04	<i>ალაპი, იერენე, სი- ლოანე, მონამეები (წამება)</i>		ალაპი, ირინი და ქონია, მონამენი	იზ-სთან ხსენებაა 01/04; მიუხედავად მესამე სახელის განსხვავებისა, ერთი და იგივე წმინდანებია <sup>3</sup> .
03/04	ნიკიტა, მონამე		ნიკიტა მღდელი, მიდიკის მამასახ- ლისი	
04/04	თევდული, ალაპი, მონამენი	თეოდულო ნიგნისმ- კითხველი და ალათოპოდოს დიაკონი	თეოდულო ნიგნისმკითხველი და ალათოპოდოს დიაკონი	

<sup>1</sup> Michaelis Le Quien, Oriens Christianus, in quatuor patriarchatus digestus, Parisiis, 1740, p. 580.

<sup>2</sup> Garitte, *Le calendrier*, p. 174.

<sup>3</sup> Garitte, *Le calendrier*, p. 190-191.

05/04	<b>პარმოთიო</b>	ფერმუთი ქალწული, მისი და მხევალი, მონამენი	ფერმუთი ქალწული, მისი და მხევალი, მონამენი	იზ-სთან ხსენება 08/04.
05/04	თერმო, მისი და მისი მხევალი, მონამენი		თერმო, მისი და მისი მხევალი, მონამენი	ბერძნულ სვინაქსარშიც არის ეს ხსენება <sup>1</sup> , მაგრამ, როგორც ჩანს, ეს არის მაინც ფერმუთი ქალწულის კიდევ ერთი ვარიანტი <sup>2</sup> ( <i>ასეთივე შემთხვევა - იზ. 17/04 ალაპიტო</i> ).
06/04	ევტობონ ეპისკოპოსი	ევტუქი კონსტანტინეპოლელი მთავარეპისკოპოსი	ევტუქი კონსტანტინეპოლელი მთავარეპისკოპოსი	
07/04	აკულე და მისთანანი	აკვილინა და მის თანა ნამებული ორასი მონამე	აკვილინა და მის თანა ნამებული ორასი მონამე	
07/04	როფენი, მონამე (ნამება)	როფინე დიაკონი	როფინე დიაკონი, მონამე	იზ-სთან კიდევ ხსენებაა 09/04 („როფინო“ ფორმით).
08/04	კელისტინე ჰრომთა პაპი	კელისტინე ჰრომთა პაპი	კელისტინე ჰრომთა პაპი	
11/04	ანტიპა მონამე, ეპისკოპოსი პერლამოსი	ანტიპა მლდელმონამე, ეპისკოპოსი პერლამოსი ასიას	ანტიპა მლდელმონამე, ეპისკოპოსი პერლამოსი ასიას	
15/04	საბა, მონამე	საბათი გუთი, მონამე	საბათი გუთი, მონამე	იზ-სთან სახელი განსხვავება, მაგრამ იგივე წმინდანია - ბერძნულ სვინაქსარში სახელი „საბა“ ფორმითაა <sup>3</sup> .
16/04	<b>ლეონდოს და მისთანანი, მონამენი</b>	ლეონიდო, ხარისი, ნუნეკია, ბასილია, ნიკი, ლალინი, კალიდო და თეოდორა მონამენი	ლეონიდო, ხარისი, ნუნეკია, ბასილია, ნიკი, ლალინი, კალიდო და თეოდორა მონამენი	იზ-სთან ხსენებაა 15/04.

<sup>1</sup> Delehay, *Synaxarium*, p. 588.

<sup>2</sup> Garitte, *Le calendrier*, p. 193.

<sup>3</sup> Delehay, *Synaxarium*, p. 604.

17/04	ალაპი, ჰრომისა პატრიარქი	<b>ალაპიტო ჰრომთა პაპი</b>	ალაპიტო ჰრომთა პაპი	ექვთ.-სთან ხსენებაა 18/04; იზ-სთან ამ დღეს ორჯერ არის ხსენება - „წამება წმიდისა ალაპისი ჰრომისა პატრიარქისა და ... ავაპი- ტონ პატრიარქისა იგივე“. როგორც ჩანს, ეს სახელი იზ-ს მიერ გამოყენებულ წყ- აროებში სხვადასხვანაირად ენერა და ორივე ვარიანტი შეიტანა ( <i>ასეთივე შემთხვევა</i> - იხ. 05/04 ფერმუთი).
18/04	<b>გეორგი პატრი- არქი</b>	<b>გეორგი ანტიოქელი პატრიარქი</b>	გეორგი ანტიოქე- ლი პატრიარქი	იზ-სთან და ექვთიმესთან ხსენებაა 19/04.
24/04	ლეონტი და ლონგი- ნოს		ლეონტი, ლონგი- ნოს, ევსევი, ნეონ, ქრისტეფორე, დიმიტრი, დანავ, თერინე, ნესტავ და მისთანანი, მონამენი	ენამნენ ერთად იმპერატორ დიოკლეტიანეს დროს <sup>1</sup> , იზ- სთან ამ ჯგუფიდან მხოლოდ პირველი ორია დასახელე- ბული.
30/04	იაკობ მოციქული	იაკობ მოცი- ქული (ზებე- დეს ძე)	იაკობ მოციქული (ზებედეს ძე)	გიორგისთან ხსენება კიდევ 15/11.
02/05	ზოა და მისთანანი	ესპერე და ცოლი მისი ზოი და შვილთა, კურიაკოზ და თეოდულე	ესპერე და ცოლი მისი ზოი და შვი- ლთა, კურიაკოზ და თეოდულე	იზ-სთან ხსენება 03/05; ეს ერთადერთი ხსენებაა და საინტერესოა, რომ ხსენება არის სწორედ ზოის, მეულ- ლის, სახელით და დანარ- ჩენი არცერთი იზ-სთან არ იხსენიება.
05/05	<b>ირინე, დედაკაცი მონამე</b>	ერინე (ასუ- ლი), მონამე	ირინე, მონამე	იზ-სთან ერთადერთი ხსენე- ბაა 05/06 - რიცხვი ემთხვევა, თვე აცდენილია, სავსებით დასაშვებია, გადანერის დროს მექანიკური შეცდომა იყოს ან წყაროში, ან იზ-სთან.
05/05	პელაგია	პელაგია, მონამე	პელაგია, მონამე	რამდენიმე პელაგია მონამეა, ხსენების დღის მიხედვით ეს არის პელაგია თარსუელი <sup>2</sup> .
06/05	პახუმი, ილარიონ		პახუმი, ილარიონ და მამა, მამანი	ბერძნულ სვინაქსარებში მათი ხსენებაა 04/05 <sup>3</sup> .

<sup>1</sup> Delehaye, *Synaxarium*, p. 628.

<sup>2</sup> Полный Месяцеслов Востока II, Указатель 1, с. 149; Delehaye, *Synaxarium*, p. 1150.

<sup>3</sup> Garitte, *Le calendrier*, p. 217-218.

06/05	იობ მართალი		იობ მართალი	იზ-სთან კიდევ ხსენებაა 08/05.
08/05	არსენი მონაზონი		არსენი	
09/05	<i>ეპიმასოს მონამე</i>	ეპიმასო და გორდიანე, მონამენი	ეპიმასო და გორდიანე, მონამენი	იზ-სთან ხსენებაა 10/05, 14/05 <sup>1</sup> .
10/05	სიმონ მოშურნე	სიმონ მოშურნე, მოციქული	სიმონ მოშურნე, მოციქული	
14/05	პახუმი და თეოდორე	პახუმი და თეოდორე განწმედილი	პახუმი და თეოდორე განწმედილი	
16/05	<i>ყოველთა საბანში-დას გარდაცვალებულ მამათა ხსენება</i>		მამათა, რომელნი საბას ლავრას აღესრულნეს	იზ-სთან ხსენებაა 24/01.
16/05	<i>გიორგი ეპისკოპოსი</i>		გიორგი მიტკლინელი ეპისკოპოსი	იზ-სთან ხსენებაა 18/05; გავაიგივეთ დროის პერიოდის და სასულიერო წოდების საფუძველზე.
22/05	იუდა მოციქული		იუდა მოციქული მოშურნე	იზ-სთან კიდევ ხსენებაა 23/01 და 30/08.
25/05	თერაპო, მონამე (წამება)	თერაპონ ეპისკოპოსი, მონამე	თერაპონ ეპისკოპოსი, მონამე	იზ-სთან კიდევ ხსენება 26/05.
27/05	<i>ელადიოს მღვდელი (მონამე); ელადი ხუცი</i>		ელადი მღვდელი-მონამე	იზ-სთან ხსენებები: ელადიოს მღვდელი 16/05; ელადი ხუცი 17/05.
27/05	<i>დიდომოს მონამე</i>	თეოდორა და დიდიმო, მონამენი	თეოდორა და დიდიმო, მონამენი	იზ-სთან ხსენებაა 30/05.
01/06	იუსტინიანე მონამე		იოსტინოს ფილოსოფოსი, მონამე	
04/06	მიტროფანე	მიტროფანე, კონსტანტინოპოლელი ეპისკოპოსი	მიტროფანე, კონსტანტინოპოლელი ეპისკოპოსი	
07/06	<i>სებასტია, მონამე</i>		სებასტიანე, დედა	იზ-სთან ხსენებაა 05/06.
13/06	აკულინე, მონამე		აკულინე, მონამე (ასული)	

<sup>1</sup> Garitte, *Le calendrier*, p. 220-221.

13/06	<i>ანტიპატროს ეპისკოპოსი</i>		ანტიპატრო ბოსტრელი ეპისკოპოსი	იზ-სთან ხსენება 04/04 <sup>1</sup> ; ეს სახელი მხოლოდ ერთხელ გვხვდება იზ-სთანაც და გიორგისთანაც.
16/06	ტიქონა ეპისკოპოსი		ტუზონ საკვირველმოქმედი (კვიროსი)	
18/06	ლეონტი მონამე		ლეონტი, იპატი, თეოდულე, მონამენი	
18/06	პოპლიოს, მონაზონი და მონამე		პოპლიოსი, მონამე	
21/06	ივლიანე, მარტვილი		ივლიანე, მეგვიპტელი, და მისთანანი, მონამენი	გიორგის მიხედვით რამდენიმე მონამე ივლიანეა: ივლიანე ემენელი 06/02, მონამე ივლიანე ანაზარბოს, კილიკიას 16/05, და სხვა. ლექც.-შიც არის მონამე ივლიანეს ხსენებები, განსხვავებულ დღეებში, დამატებითი ინფორმაციის გარეშე, ამიტომ ამ ეტაპზე ვერ ვიტყვით, რომელი ხსენება რომელ მონამეს გულისხმობს. იზ-სთან ივლიანე მარტვილის ხსენება არის კიდევ 20/06.
22/06	ევსებია, მონამე		ევსევი მღვდელ-მონამე	აქ იგულისხმება ევსევი სამოსატელი მონამე <sup>2</sup> - ჩანს გიორგის ტექსტიდან.
25/06	ფებრონია, მონამე; <i>ფებრონია, მონამე (წამება)</i>	ფებრონია, მონამე	ფებრონია, მონამე	იზ-სთან კიდევ ერთი ხსენება 24/06.
27/06	სამსონ მონაზონი	სამფსონ ხუცი უცხოთშემწყნარებელი	სამფსონ მღვდელი უცხოთშემწყნარებელი	
04/07	<i>ქაკინთონ, მონამე</i>		იაკინთო, მონამე	გიორგისთან არის ორი მონამე იაკინთო, ხსენებებისთვის დართული ტექსტების მიხედვით ორი სხვადასხვა წმინდანია: ეს არის რომაელი მონამე, ხოლო 18/07 - ამასტრელი მონამეა. იზ-სთან ქაკინთონ იხსენიება 03/07 <sup>3</sup> .

<sup>1</sup> Garitte, *Le calendrier*, p. 192.

<sup>2</sup> Dictionary of Christian Biography; Eusebius, Bishop of Samosata, იხ. ბმული: <https://www.ccel.org/ccel/wace/biodict.html?term=Eusebius,%20bishop%20of%20Samosata>; Garitte, *Le calendrier*, p. 257.

<sup>3</sup> Garitte, *Le calendrier*, p. 270.

05/07	მართა, სვიმეონ მესუეტის დედა		მართა, სვიმეონ მესუეტის დედა	
07/07	სისო		სისო	
12/07	<b>ლოლინდოზ მარტ-ვილი</b>	ღუღინდუხტი (მარიამ), მონამე	ღუღინდუხტი (მარიამ), მონამე	იზ-სთან ხსენებაა 09/06 <sup>1</sup> .
12/07	პროკლე და ელიარონ, მონამენი	პროკლე და ილარიო, მონამენი	პროკლე და ილარიო, მონამენი	
14/07	იუსტონ მონამე; <b>იოსტინო მონამე</b>	ოსტო, მხედარი (რომს), მონამე	იოსტო მონამე	იზ-სთან კიდევ ერთი ხსენება („იოსტინო“ ფორმით) 16/05.
16/07	ანტიოქოზ მონამე		ანტიოხოსი, მონამე	
17/07	ათენაგენე, ეპისკოპოსი, მონამე	ათენაგენე, მონამე	ათენაგენი, მონამე	
17/07	მარინა, მონამე	მარინა, მონამე	მარინა, მონამე	იზ-სთან კიდევ ხსენებებია 08/08 და 05/06 - სხვა წმინდანი ამ სახელით არ ჩანს.
18/07	<b>იოვანე, ქალკიდონელი ეპისკოპოსი</b>		იოვანე ქალკიდონელი მთავარეპისკოპოსი	იზ-სთან ხსენებაა 28/07 <sup>2</sup> .
18/07	<b>იაკინთო</b>	იაკინთე ამასტრელი, მონამე	იაკინთე ამასტრელი, მონამე	გიორგისთან არის ორი მონამე იაკინთო, ხსენებების სთვის დართული ტექსტების მიხედვით ორი სხვადასხვა წმინდანია: ეს არის ამასტრელი მონამე, ხოლო 04/07 - რომელი მონამეა. იზ-სთან იაკინთო იხსენიება 03/07, 11/07, 22/07. პირველი ხსენება რომელი მონამისაა, ბოლო - ამასტრელისა. 11/07 რომლის ხსენებაა, გარკვევა ამ ეტაპზე არ არის შესაძლებელი <sup>3</sup> .
19/07	დეო	დეო, ანტიოქელი მამა	დეო, ანტიოქელი მამა	
21/07	სვიმეონ სალოსი	სვიმეონი, რომელი იქნა ქრისტესთვის სულელ, და იოვანესი	სვიმეონი, რომელი იქნა ქრისტესთვის სულელ, და იოვანესი	

<sup>1</sup> Garitte, *Le calendrier*, p. 245-246.

<sup>2</sup> Idem, p. 297.

<sup>3</sup> Idem, p. 276.

22/07	მარიამ მაგდანელი	მარიამ მაგ- დანელი	მარიამ მაგდანელი	
24/07	ქრისტინა, მონამე	ქრისტინა, მონამე	ქრისტინა, მონამე	გიორგის მიხედვით ორი ქრისტინაა: სპარსი მონამე ქრისტინა, მონამე (14/03) და ქრისტინა ტირელი (24/07). ეს არის ტირელი მონამე. იზ-სთან კიდევ ერთი ხსენებაა 20/07.
25/07	ულიმპია		ულიმპია	
28/07	ესტატი		ევსტათი ანკვირი-ელი, მონამე	
29/07	კალონიკე, მონამე		კალინიკე (ლანლ-რას), მონამე	
29/07	თევდოტი		თეოდოტის და შვილთა მისთა, მონამენი	იზ-სთან კიდევ ხსენება 30/07.
30/07	<i>იოვანე მხედარი, ნამება</i>		იოვანე მხედარი	იზ-სთან ხსენებაა 04/08; გიორგისთან კიდევ ერთ ხსენება 12/06.
01/08	<i>სოფია დედაკა-ცისაჲ და ასულთა მისთა პისტისი, ელპისი, ალაპისი, მონამენი</i>		პისტი, ელპიდი, ალაპი და დედა მათი, სოფია, მონამენი	იზ-სთან რამდენიმე ხსენებაა 04/08, 24/10, 25/10; გიორგისთან კიდევ 04/07; იზ-სთან არის კიდევ ცალკე შვილების ხსენება - პისტოს, ელპიტოს, ალაპი 23/03.
04/08	<i>თუთაელი, მონამე</i>		თუთაელ, მონამე	იზ-სთან ხსენებაა 05/08.
04/08	<i>იაი, დედა</i>		იაი, მონამე	გიორგისთან კიდევ ხსენებებია 11/09, 25/09, თანდართული ტექსტების მიხედვით ერთი და იგივე წმინდანია; იზ-სთან ხსენებაა 20/03 <sup>1</sup> .
05/08	ევსილლონი, მონამე		ევსილნი, მონამე	იზ-სთან არის კიდევ ხსენება 05/02 („ევსიგნი“ ფორმით) და იგივე წმინდანი უნდა იყოს, ვინაიდან სხვა მონამე ევსილნი ვერ მოვიძიეთ.
08/08	<i>მირონ, ეპისკოპოზი</i>		მირონ საკვირ-ველმოქმედი (კრიტიე)	იზ-სთან ხსენებაა 11/08.
09/08	მატათია მოციქუ-ლი		მატათა მოციქუ-ლი	

<sup>1</sup> Garitte, *Le calendrier*, p. 180-181.

14/08	<i>მიქეა, წინასწარმეტყველი</i>		მიქეა, წინასწარმეტყველი	იზ-სთან ხსენებაა 24/11.
16/08	<i>მირონ, ეპისკოპოზი</i>		მირონი, მონამე	მირონ ეპისკოპოზი იზ-სთან 11/08, გიორგისთან ხსენებაზე დართულ ტექსტში მირონ მღვდელი.
19/08	<i>ანდრია მხედარი; ანდრეოსი და სტრატელათოა წმიდისა მონამეთა</i>		ანდრეა სტრატელათი, მონამე	გიორგისთან ხსენებაა კიდევ 13/07; იმავე დღეს იზ-სთან „ანდრეოსი და სტრატელათი“ ფორმით - ჩანს, შეცდომა იყო ერთ-ერთ წყაროში, საიდანაც ინერდა იზ, და აქ სინამდვილეში ერთი წმინდანი - ანდრეა სტრატელათი - იგულისხმება <sup>1</sup> ( <i>მსგავსი შეცდომა - იხ. აქვე 13/01</i> ).
24/08	ტატიანე, მონამე		ტატიანე, მონამე	
25/08	ტიტე მოციქული;		ტიტე მოციქული	იზ-სთან კიდევ ხსენებაა 16/12.
27/08	პიმენი და ძმანი მისნი		პიმენი	
28/08	<i>გელასი, მონამე</i>		გელასი, მონამე	იზ-სთან ხსენებაა 27/08.
03/09	ანთიმოს ხუცი, მონამე		ანთიმოს ნიკომიდიელ ეპისკოპოსი	
07/09	სოზონტა მონამე	სოზონ მონამე	სოზონ მონამე	გიორგისთან კიდევ ერთი ხსენებაა 07/08.
09/09	<i>სევერიანე მონამე</i>		სევერიანე	იზ-სთან ხსენებაა 09/10; გიორგის ტექსტიდან ჩანს, რომ სევერიანე მონამეა; თარიღში ერთი თვის განსხვავება შეიძლება გადამწერის შეცდომა იყოს <sup>2</sup> .
11/09	პეტრე ეპისკოპოსი ნიკელი		პეტრე ნიკიელი მთავარეპისკოპოსი	
14/09	<i>პაპა</i>		პაპა	იზ-სთან ერთი ხსენება 24/09, გავაიგივებ სახელით და დროის პერიოდის მიხედვით.
14/09	<i>ოქროპირისა მიცვალეზა</i>		დაძინებაა წმიდისა იოვანე ოქროპირისა	იზ-სთან ხსენებაა 15/09.

<sup>1</sup> Garitte, *Le calendrier*, p. 277.

<sup>2</sup> Idem, p. 353.

15/09	ანიკიტა, მონამე	მონამე ნიკიტა	ნიკიტა	იზ-სთან კიდევ ხსენებაა 16/10.
17/09	<b>აგათოკლია მონამე</b>		ალათოკლია	იზ-სთან ხსენებაა 19/09.
19/09	პელეონი, ნილოსი, პატერმოთეოზი და ელია		ასორმეოცდაათ-თა მონამეთაჲ, რომელთა თავნი იყვნეს აპილენ და ნილო და პატერმოთეოს და ელია	
23/09	<b>ხილვა ზაქარიაჲსი და დადუმებაჲ</b>	დადუმებაჲ ზაქარიაჲსი და მუცლადღებაჲ იოვანე ნათლისმცემელი საჲ	დადუმებაჲ ზაქარიაჲსი და მუცლადღებაჲ წმიდისა იოვანე ნათლისმცემელი-საჲ	იზ-სთან ხსენებაა 27/09.
25/09	<b>თეოფილე ეფესელი ეპისკოპოსი</b>		თეოფილე ეფესელი ეპისკოპოსი	იზ-სთან ხსენებაა 23/09.
28/09	ხარიტონი, მონაზონთა დასაბამი		ხარიტონ აღმსარებელი	გიორგისთან არის კიდევ ერთი ხსენება 09/09.
29/09	კვრიაკოზ პალაფრელისაჲ; <b>კვრიაკოზისი სუკაჲსი</b>		კვრიაკოს განმორებული	გიორგისთან ხსენებას დართული ტექსტის მიხედვით, კვრიაკოზ იყო „ლაფრასა სუკაჲსა“, ამიტომ იზ-სთან 09/09 იმავე წმინდანის ხსენებაა.
01/10	<b>მიქაელ მონამე</b>		მიქაელ ზოვის მამასახლისი, მონამე	იზ-სთან ხსენებაა 26/09.
01/10	<b>რომანა</b>	ჰრომანოს მგალობელი	რომანოზ მგალობელისაჲ	იზ-სთან ხსენება 04/10, გაიგივება დროის პერიოდის მიხედვით.
01/10	<b>ანანია, მონაფისა უფლისაჲ, პირველი მთავარეპისკოპოსი დამასკეს შინა; ანანია მოციქული, რომელმან პავლჲს ნათელ-სცა</b>	ანანია, დამასკელი ეპისკოპოსი, მოციქული	წმიდა მოციქული ანანია	იზ-სთან ორი ხსენებაა - 02/10 და 20/12.
02/10	კვპრიანე და იოსტი; <b>კვიპრიანე, მამადმთავარი ანტიოქიის; ივსტინა, მონამე</b>		კვპრიანესი და იუსტინაჲსი	იზ-სთან კიდევ ხსენებებია 05/10 („იოსტი“ იუსტინას სახელია გაქრისტიანებამდე) და 25/07.

03/10	დიონოსი		დიონოსი არიოპაგელი და ათინელთა ეპის- კოპოსი	
09/10	<i>იაკობ ალფესი</i>	იაკობ ალფესი	იაკობ ალფესი	იზ-სთან ხსენებაა 08/10.
14/10	<i>ნაზარიონ მონამე</i>		ნაზარი, გერვა- სი, პროტასი და კელსი	იზ-სთან ხსენებაა 13/10.
15/10	<i>ლუკიანე ხუცი</i>	ლუკიანე ხუცესმონამე	ლუკიანე ხუცეს- მონამე	იზ-სთან ხსენებაა 14/10.
17/10	<i>ოსე წინააღსწარმეტყუ- ელი</i>	ოსე წი- ნაწარმეტყუ- ელი	ოსე წი- ნაწარმეტყუელი	იზ-სთან იხსენიება 16/10.
19/10	<i>ამფილოქე ეპისკო- პოსი</i>		ამფილოქე იკონიელი	იზ-სთან ხსენებებია 22/11, 10-11/12.
19/10	<i>სადოთ, მონამე</i>		სადოთ ეპისკოპო- სისაჲ და მის თანა აღსრულებულთა 150 წმიდათაჲ სპარსეთს	იზ-სთან ხსენებაა 28/02 - მიუხედავად დროში დიდი განსხვავებისა, ერთი და იგივე წმინდანია, ხსენების ორივე დღე დასტურდება წყაროებში <sup>1</sup> .
19/10	<i>იოელ წინააღსწარმეტყუ- ელი</i>		იოველი	იზ-სთან ხსენებაა 18/10.
20/10	კორნელიოს ასის- თავი		კორნილიოს ასის- თავი	იზ-სთან კიდევ ერთი ხსენება 20/11.
20/10	<i>არტემინ მონამე</i>		არტემი	იზ-სთან ხსენებაა 19/10.
21/10	ილარიონ მონაზონი		ილარიონი	
22/10	<i>აბერკო</i>		აბერკი ეპისკოპო- სისაჲ იერაპოლელ- ისაჲ	იზ-სთან ხსენებაა 21/10.

<sup>1</sup>Garitte, *Le calendrier*, p. 167.

23/10	<b>შვიდთა ყრმათა დაძინება ეფესოს</b>		შკდთა ყრმათაჲ ეფესოს, რომელთა სახელები ესე არს: მაქსიმილიანე, ძე ეპარხოლისა პრეტორისაჲ, იამბლიქე, მარტინინოს, დიონისი, იოვანე, კოსტანტინე, ანტონინე	გიორგისტან კიდეჲ არის ხსენება 02/08 და იმავე დღეს არის იზ-სთანაც; იზ-სთან კიდეჲ 04/10, 29/11.
24/10	<b>პროკლე მთავარეპისკოპოსი, ოქროპირის მონაფე</b>		პროკლე კოსტანტინეპოვლელ მთავარეპისკოპოსი	იზ-სთან არის 19/11 და გიორგისტან კიდეჲ ერთი ხსენებაა 20/11.
25/10	<b>მარკიანე მონამე</b>		მარკიანესი და მარტურისი	იზ-სთან ხსენებაა 24/10.
26/10	დემეტრე მონამე	დემეტრი	დემეტრი	
27/10	<b>არტემიდორო, მონამე</b>	არტიმიდორე	არტემიდორე	იზ-სთან ხსენებაა 28/10.
30/10	ზენობია	ზინობი და ზინობია	ზინობი და ზინობია	
31/10	ეპიმახოს მონამე	ეპიმახოს და ჰერაკლე, მონამენი	ეპიმახოს და ჰერაკლე, მონამენი	იზ-სთან კიდეჲ ხსენებებია 29-30/10.
02/11	აკონდინეთი		აკინდვნე, პილასი, აფთონი, ელპიდიფორო და ანემპოდისტო და მათთანანი 7028, მონამენი	
03/11	აკეფსიმა, ეოსეფ მონამეთაჲ		აკეფსიმა ეპისკოპოსისა, იოსებ ხუცისა და აითალა დიაკონისაჲ	
07/11	ოცდაცამეტი მონამე		33 მონამეთაჲ, რომელნი იწამნეს მელიტინეს	
08/11	<b>მატრონა</b>		მატრონა	მატრონა კონსტანტინოპოლელი - იზ-სთან ხსენებაა 05/11.
12/11	იოვანე მონყალე		იოვანე მონყალე	იზ-სთან კიდეჲ ხსენებაა 30/11.

15/11	სამონა გურიანეთივე; <i>სამონა, გურია, აბიზო, მონამენი</i>	გურია, სამონა და აბიზოსი	გურია, სამონა და აბიზოსი	იზ-სთან კიდევ ხსენებებია 13/11, 19/11.
18/11	<i>პრომანე, ეპისკოპოსი მონამე და ყრმა მარტვრი</i>		რომანოზისი და ჩჩულისაჲ	იზ-სთან ხსენებაა 01/05, დროით დაშორებულია, მაგრამ ერთი და იგივე წმინდანია ხსენების შინაარსის მიხედვით <sup>1</sup> .
25/11	ეკატერინა ალექსანდრიელი, ნამება		ეკატერინე	იზ-სთან კიდევ ერთ ხსენება 24/11.
27/11	იაკობ დაჭრილი	იაკობ სპარსი დაჭრილი	იაკობ დაჭრილი	იზ-სთან კიდევ ხსენებები 12/11 და 28/11.
28/11	ელინარხო, მონამე	ირინარხო, მონამე	ირინარხო	
28/11	<i>მავრიკ მეფე</i>		მეფეთაჲ კონსტანტინესი და მავრიკისი და შვილთა მათთაჲ	იზ-სთან ხსენება 28/08 - ერთი და იგივე პიროვნებაა, სხვა მავრიკ მეფეს წმინდანებში ვერ მივაკვლიეთ <sup>2</sup> .
29/11	<i>იოვანე დამასკელი</i>		იოვანე დამასკელი	იზ-სთან არის მხოლოდ ერთი ხსენება 04/12 და ამავე დღეს გიორგისთანაც არის ხსენება.
01/12	ნაუმ წინაესნარმეტყუელი		ნაუმი	
02/12	ამბაკუმ წინაესნარმეტყუელი		ამბაკუმი	იზ-სთან ხსენებებია 19/06, 28/06, 01/07 და სხვა.
03/12	<i>თევდოლონ ეპისკოპოსი</i>		თეოდულე კვპრიელისაჲ	იზ-სთან 29/11; დროის პერიოდით არის ახლოს.
03/12	სოფონია წინაესნარმეტყუელი		სოფონია წინაესნარმეტყუელი	
04/12	ბარბარა მონამე		მონამე ბარბარა	
08/12	პატაპიონი		პატაპი თეზაიდელი	
11/12	დანიელ მესუეტე		დანიელ მესუეტე	

<sup>1</sup> Garitte, *Le calendrier*, p. 214.

<sup>2</sup> Idem, p. 315.

12/12	<b>სფურიდონ</b> <b>კვარულ ეპისკოპოსისაჲ;</b> სპირიდონისივე		საკრველთმოქმედი სპირიდონი	გიორგისთან ხსენებას დართული ტექსტის მიხედვით ერთი და იგივე წმინდანია <sup>1</sup> .
14/12	ფილიმონ და აპოლონი		ფილიმონი, აპოლონი, იპატი და მათთანანი, მონამენი	
16/12	<b>ბაქოზ, მონამე</b> <b>(ჰართამა ამირის დროს ეწამა)</b>		ბაქო, მონამე	გიორგისთან ხსენებას დართულ ტექსტში ამირის სახელი არ ჩანს, მაგრამ ფაქტი არის („წინამე ამირისა წარადგინეს“); იზ-სთან ხსენებაა 22/12 <sup>2</sup> .
16/12	ანგეა წინაღსწარმეტყუელი		ანგეა წინაღსწარმეტყუელი	
17/12	<b>პატრემათეოზი,</b> <b>კვრილე და ალექსანდრე, მონამენი</b> <b>(წამება)</b>		პატერმოთესი და კობრისი და ალექსანდრესი, რომელნი იწამნეს ივლიანეს ზე განდგომილისა	იზ-სთან ხსენებაა 09/04; გიორგისთან კიდევ ერთი ხსენება 09/07.
22/12	ანასტასია, დედაკაცი მონამე		ანასტასია, მონამე	
23/12	ათი მონამე კრეტელი		ათი მონამე	
24/12	ევგენი მონამე და მოყუასნი მისნი		მონამე ევგენია	გიორგისთან კიდევ ხსენება 13/01; ხსენებებს დართული ტექსტების მიხედვით ერთი და იგივე წმინდანია. იზ-სთან კიდევ ერთი ხსენებაა 30/12.
28/12	თევდორწ პატრიარქი	თეოდორე კოსტანტინეპოვლელი მთავარები-სკოპოზი	თეოდორე კოსტანტინეპოვლელი მთავარეპისკოპოსი	
29/12	ჩჩვლთა ყრმათაჲ, რომელნი ჰეროდე მოწყვდნა	ჩჩვლთა ყრმათაჲ	ჩჩვლთა ყრმათაჲ	
29/12	მარკელე მონაზონი	მარკელე	მარკელე	იზ-სთან კიდევ ხსენება 31/12.
30/12	ანოლსთაჲსი მარტულისაჲ	მონამისა ანუსია	მონამე ანუსია	

<sup>1</sup> Garitte, *Le calendrier*, p. 406-407.

<sup>2</sup> Idem, p. 414

## დამონეხული ლიტერატურა

- გაბიძაშვილი**, *ქართული ნათარგმნი ჰაგიოგრაფია* = გაბიძაშვილი ე., ქართული ნათარგმნი ჰაგიოგრაფია, თბილისი, 2004.
- გიორგი მთანმიდელი**, *დიდი სუნაქსარი*, დოლაქიძე, ჩიტუნაშვილი = გიორგი მთანმიდელი, *დიდი სუნაქსარი*, ტექსტი გამოსაცემად მოამზადეს და სამეცნიერო აპარატი დაურთეს მანანა დოლაქიძემ და დალი ჩიტუნაშვილმა, თბილისი, 2017.
- იმნაიშვილი**, *საკითხავი წიგნი II* = საკითხავი წიგნი ძველ ქართულ ენაში, II, გამოსცა ივ. იმნაიშვილმა, თბილისი, 1966.
- კეკელიძე**, *ძველი ქართული წელიწადი* = კეკელიძე კ., *ძველი ქართული წელიწადი. ეტიუდები ძველი ქართული ლიტერატურის ისტორიიდან*, ტ. I, თბილისი, 1956, გვ. 99-124.
- მცირე სუნაქსარი** = ექვთიმე მთანმიდელის „მცირე სუნაქსარი“, ტექსტი გამოსაცემად მოამზადა და გამოკვლევა დაურთო დალი ჩიტუნაშვილმა (ხელნაწერი).
- ძველი მეტაფრასული კრებულები** = *ძველი მეტაფრასული კრებულები (სექტემბრის საკითხავები)*. ტექსტები გამოსაცემად მოამზადა, კომენტარები და საძიებლები დაურთო ნარგიზა გოგუაძემ. თბილისი, 1986.
- Никифорова**, *Из истории Минеи* = Никифорова А. Ю., *Из истории Минеи в Византии (Гимнографические памятники VIII-XII вв.) из собрания монастыря святой Екатерины на Синае*, Москва, 2012.
- Полный Месяцеслов Востока II** = Сергей (Спаский) архиеп., *Полный Месяцеслов Востока*, т. II, Святой Восток, Москва, 1876.
- Garitte**, *Le calendrier* = Garitte, G. *Le calendrier palestino-géorgien du Sinaiticus 34 (X<sup>e</sup> siècle)*. Bruxelles, 1958 [Subsidia Hagiographica 30].
- Delehayе**, *Synaxarium* = Delehayе H., *Propylaeum ad Acta sanctorum novembris: Synaxarium ecclesiae constantinopolitanae*. Brussels: Société des Bollandistes, 1902.
- Tarchnishvili**, *Lectionnaire*, I = Tarchnishvili M., *Le grande Lectionnaire de l'église de Jérusalem (I<sup>e</sup>-VIII<sup>e</sup> siècle)*, t. I (CSCO, 188; Scriptorum Iberici, 9), Louvain, 1959.
- Tarchnishvili**, *Lectionnaire*, II – Tarchnishvili M., *Le grande Lectionnaire de l'église de Jérusalem (I<sup>e</sup>-VIII<sup>e</sup> siècle)*, t. II (CSCO, 204; Scriptorum Iberici, 13), Louvain, 1960.

## ინტარნეტრესურსები

- Православная Энциклопедия под редакцией Патриарха Московского и Всея Руси Кирилла, ბმული: [http://www/pravenc.ru](http://www.pravenc.ru).
- Dictionary of Christian Biography, ბმული: <https://www.ccel.org/ccel/wace/biodict.html>
- Encyclopaedia Britannica, ბმული: <https://www.britannica.com/biography>
- Orthodox Church in America, ბმული: <https://www.oca.org/saints/lives>
- Oxford Dictionary of Saints (Oxford Reference), publisher: Oxford University Press, 2011. ბმული: <https://www.oxfordreference.com>
- Shaff-Herzog Encyclopedia of Religious Knowledge, 1914; ბმული: <https://ccel.org/ccel/schaff/encyc01/encyc01.i.html>
- The Cult of Saints in Late Antiquity (CSLA) database (University of Oxford), ბმული: <http://csla.history.ox.ac.uk/>